

秋

夢

盒

詞

鈔

春絢萬紅秋寫一碧露痕泣晨霞影媚夕此明麗而華
潤者詞家之格也闌檻花外樓臺柳陰衣香有無簾波
淺深此幽靚而絲邈者詞人之心也心內凝以立格格
外鬯以寫心言則兩端極無二致然而冶靡者傷其氣
胥飾者短於情縱具偏長詎云妍唱求其金皆辟灌玉
不瑕疵合裏裏而一規備情文之雙美則吾於南雪戶
部秋夢盦詞幾見之矣君生有夙慧少工倚聲曩嘗招
邀友朋更互酬倡珎黎綠而七采錦流黃而九張極深
擘幾侔色揣稱含毫自遠抗手無輩旣而紬書

中祕橐筆

禁近捧錄黃而夜直肅佩紫而晨趨咸以爲詩人告勞
茲事當廢矣而君雖處清要不忘精進往往按筵家之
遺響叩簫譜而求音妙抒襟靈自成馨逸其耽嗜也如
彼其顚至也如此宜乎仙心獨超而風格彌上已頃者
香集所作錄爲一編出以示蒙命之推定覩冰蠶者咸
驚五色闌霧豹者匪僅一斑眞奇相要賞會無間應求
之雅斯在標榜之誚何辭用是綴以瑣言暢其琴趣焉
方今服領之外人文蔚然獨詞之一途作者蓋寡英絕

領袖豈無其人翫春翹而有思啟夕秀於未振則夫範
園羣雅提倡後來者其在君乎其在君乎

光緒甲申季冬望日越人汪琰識

漠漠平林暝色高樓之句縣縣遠道斜陽芳草之思子
與南雪先生孝緒神交伯恭心契酒徒擊筑曾題燕市
之襟俗吏牽絲已輟花間之譜碧雲千里玉璫一絨寄
示所作秋夢簫詞屬校定焉夫其策杖尋秋叩舷唱晚
露筋祠下雲水蒼茫粵秀山前月華涼沁碧苔搖暝積
煙雨於空階紅萼無言寫羅浮之清影畫禪棲逸條筆
冰甌酒坐分牋倚聲瑤瑟泊乎迴翔青瑣倬值樞垣烏
帽紅萸玉簪羅帶裊筆無際換羽移宮視草餘閒盤花
旋竹吳雲壑春霆秋雪敷暢襟靈蘇子瞻玉宇瓊樓纏

綿忠愛加以翠屏春悄銀燭光寒零香怯風斷紅怨雨
孤花病蝶悵景物之都非落葉哀蟬想形容其宛在拾
墜歡於何處紫玉銷沈度飲水之新詞青衫溼徧心之
憂矣慨乎言之今者關河無恙最愛書來珠玉在前輒
慚形穢得加餐之一紙藏懷袖以三年按拍梅邊操縵
勸衆山之響低徊蓮社刺船移海上之情

光緒十有二年孟陬月二十一日嘉興張鳴珂拜手序
於豫章寓次

蘭臺先生鬱乎著作之大手發此妃倆之小文畱寓似
不成之子鄭重皆有爲之言寓意卽工得言忘象而獻
猥以齊竿濫夫曠聽俯求錯石遠賁隨珠縱心往復擊
節再三煙之絲絲知其遠琴之颯颯知其清雝之關關
知其和錦之爛爛知其采猶復挾摘瑕璽振拂羽翰庶
幾候蟲亦登月令此艸且貢染人間聲相思敷塵何益
若夫三都之紙貴不藉皇甫而傳無補淵深且安緘默
嶺雲在目海思盈襟矣仁和譚獻拜識

竊嘗推大樂府賡續興觀以爲短長其字則情罔勿章
瓊瓏其聲則聽亡不泱於是平章眾製進退美文由唐
汜明篋中寫定昭代作者最錄今集夙昔佇興而作斯
言一人之私睇想神交沈吟元賞吾嶺南葉曼伽先生
有同耆焉先生破萬卷而有神成一家而不媿承明奏
賦笙磬乎鄒枚名山箸書簫勺乎儒墨摩天之刃銳而
爲鉞帝子之衣紉而亡縫舉宮倚商而交應側峯橫嶺
而畢成愼若數馬之對曲求雕龍之心有觀樂者得散
悟焉夫以斜陽芳草陶洗希文缺月疏桐流連蘇子煙

柳唱危闌之倚亂雅送歸夢之濃識忠愛之數言固怨
悱而不亂文外獨絕傳之其人秋夢盦詞風雲掣瀑直

之誠山水寄田間之興變衰秋氣落木蕭然綺麗餘波

美人安在非必索老嫗之解是以流弦外之音夢禪家

學郭景純之遊仙

尊甫夢禪先生有
小遊仙詞百章

東塾師資宋大夫

之九辨

陳蘭甫先生
君師法所出

使我看朱而成碧知君得魚而忘

筌也已

獻

投老以來同聲斯應嶺表賢達天涯素心東

有汪

芙生

沈眉伯望風懷思西有王

幼霞

況

夔笙

撫塵結契池波

共鑿井水能歌出門有必合之車異曲有同工之奏花

間草堂去人不遠拍肩挹衷引以自豪沫胝先生之倚
聲蔚跂篋中之續集永嘉之末間正始之音若何而不
歎息絕倒也光緒壬辰九秋譚獻再識

番禺葉南雪先生今之張子野也其官郎中同其享老
健同其以詞名天下無不同然先生詞品人品皆清絕
高絕又能文章精鑒賞丹青篆刻餘事靡不兼工有非
子野所能及者卽以詞境論之潔淨精微追蹤白石纏
綿悱惻嗣響碧山蓋先生之詞品可見先生之人品亦
可見矣先生以名進士入詞垣供職曹司在樞密有年
外而郡守內而卿寺隨流平進指顧間可得乃澹泊自
守視富貴榮利猶條風之時灑蚊蟲之一過惟以風雅
提唱幕前哲獎後進爲事終日焚香掃地晏處超然未

幾竟拂衣歸爲書院主講爲詩壇主盟年逾七十精力
不衰猶手寫古書作蠅頭楷字數萬讀書之暇或作畫
或度曲望者以爲神仙中人 國朝嶺南諸老若翁山
獨漉若魚山二樵若香鐵石華若蘭浦南山若墨農王
生若先德蓮裳公三百年間文采風流非先生莫爲賡
續詞特先生一菰耳固足以傳先生而先生豈僅以詞
傳者乎某于先生爲年家子曩在京師過從譚菰謬許
爲忘年之契先生歸粵後猶時以郵筒相問訊嘗寄所
作秋夢齋詞命序且望其爲嶺海之遊荏苒浮沈久未

報命去年甫屬草藁而老母嬰疾遽遘凶依墓築廬
雖生猶死惟文章交道宿諾終償舊藁尙存爰綴數語
以報知己噫嘻嶺海之遊恐難如願儻得跨鶴騎鯨尙
欲訪停雲于八表先生美意延年壽方未艾他時左攜
漁童右挾樵青朱履紅衣筆牀茶竈艤煙波畫船于珠
江幽處試扣舷按拍誦生平得意詞聞霞天月海空靈
縹緲中若有太息歛歔賞音擊節者其某也耶其某也
耶光緒甲午二月易順鼎敘于慕皋廬

國朝詞學之盛江淞稱最竹垞迦陵以沈博絕麗之才
衍爲樂章奇情壯采籠罩萬有獨闢南宋未闢之境然
尋流溯源未始判若淄澠也逮樊榭易之以幽雋茗柯
矯之以沈厚一時綴學之士墨守門庭寢成流別由是
江淞兩派有南宗北宗之異矣嶺南繁盛之區瓊奇薈
粹魁儒碩彥著述代興獨於倚聲一道絕少流播采風
者猶有憾焉 南雪先生其粵之竹垞迦陵乎先生敷
厯承明回翔郎署倖值樞庭相如典冊枚舉飛書日不
暇給宜若引商刻羽之思嚼蕊吹花之句未遑搜討及

之也而乃抽祕騁妍造散踵美研律度之分判辨聲響
之浮切一篇跳出鮮侔晨葩讀所簪秋夢奩詞雖不若
竹垞迦陵之富而埽除浮豔刻意標新直合石帚之騷
雅夢窗之麗密梅溪竹山之疏俊駘蕩而爲一手又奚
以多爲哉夫人溺志於聲華靡麗之場勞形於冠蓋馳
驅之會不能瑩發靈藻涵泳天祿縱使陟清要躋膺仕
亦與夢中槐蟻等耳而先生泊然寡營早遂初服陶寫
哀樂情餘於管絃謠詠山川聲出乎金石抱琴獨往天
機盎然足豈窮達升沈嬰其念慮者而謂競聲譽於旗

亭井水之間哉祁於先生爲同館後進一行作吏未獲
晉接音塵迺蒙千里訂交虛懷商榷或推敲一字之安
或斟酌半黍之細偶有獻替從若轉圓淵襟雅量尤有
不可及者卽以詞論亦足繼載酒之集烏絲之譜於三
山五嶺間創新聲而賡絕調也

光緒二十年歲次甲午孟陬之月錢唐張景祁序於閩
中浦城官廨

余幼喜長短句在書塾中偶得花間集一本如獲異寶
時學爲之未敢示人也迄乎弱冠填拍寢多大都側豔
之詞酒闌燈畔倚醉揮毫散見舞裙歌扇中無稿可錄
壯歲而還憂愁幽思所作半緣寓感又疊遭兵燹十無
一存壬午秋閒乞假旋里僅從故紙堆中檢得數首同
人復以昔時所錄環示叢殘拉雜隨手抄存釐爲二卷
索觀者衆苦乏鈔胥爰付手民以代掌錄今年已垂暮
學道未能不復作少年綺語然春蠶未死尚有餘絲早
雁新鶯月闌花謝情懷悵觸忍俊不禁嗣有所作當續

附於後麝香鸞彩愛惜斯珍聊以自娛不堪問世光緒
甲申仲秋端五秋夢主人自記

秋夢齋詞鈔卷一

番禺

葉衍蘭

疏影

題自畫花影吹笙仕女

迷濛澹月照棠梨院落清景幽絕旋旋長廊曲曲迴欄
參差露下吹徹飛瓊綺思憑誰問只少箇雛鬟能說想
夜闌翠袖輕盈淺浸一庭寒雪憐取嬋娟倩影素娥
定倚樹相伴孤潔瘦攏春纖暖炙銀簧冷透瑤階羅襪
紅樓短夢脩簫譜怎訴與舊愁悽切算繡籠鸚鵡聰明

猶記那時情節

金縷曲

苔

靜鎖藤蕪院繞閒階綠蒙蒙地幾痕深淺鎮日傷心儂
意懶畫出露晞煙泣恰襯著湘簾低捲細雨香泥三三
月趁東風輕映桃花面幽僻處休輕踐 蕭齋寂寂無
人兒儘銷魂斜陽多少舊時鶯燕一種迷離芳事老直
恁落紅黏滿尋不得墜釵遺鈿鴛屨弓弓行乍怯傍迴
欄六曲都扶徧愁望盡春光遠

水龍吟

五月十五夜偕汪芙生琬杜仲容友韋登粵秀

山看月同芙生作

銀蟾何處飛來碧空捲得炎飈淨樓臺一抹是煙是水
鎔成清景道冷呼鸞天高唳鶴露淒風警料廣寒今夕
素娥無睡晶簾外羞孤影我欲淩虛絕頂洗塵襟玉
壺冰鏡穠花錦石漢家遺恨那堪重省惆悵江南有人
歸夢相思愁證仲容有歸梁溪之信試憑欄長嘯橫吹紫竹喚嘯
鳥醒

沁園春

詠碧紗幮

隔斷屏山花影迷離閒情那廂正桃笙乍展秋蚊怯入
蘭湯悄試小燕關防方空周遮輕容掩映占盡柔鄉與
睡鄉銷魂處惹朦朧詩夢圓到瀟湘偷窺碧玉彤幃
有雲鬢深深蓄意藏慣鴛蹤潛躡暗聞嬌喘麝熏微度
怕洩春光淡似煙籠淨無塵泥圍住生香錦瑟傍宵來
好恰羅幃高揭月色迎涼

臺城路

題白畫梅雪幽閨圖

凍痕深沍晴煙溼芳菲絮雲鋪徑悄悄簾櫳悽悽院落
黯黯春人愁影巡檐正冷怕立徧蒼苔轆羅冰凝翠幙
幄開空庭涼侵月華瑩鸞衾欲溫未得悵寒侵燕玉
清恨誰省斷漏催蓮微颺響竹倦倚熏籠斜聽流蘇漫
整逗一縷柔魂素心同證珊枕留香伴儂幽夢醒

清平樂

題白畫桐陰擲箋仕女

蟾光似水花影層欄碎風露羅衣涼欲洗此際高樓誰

倚鄰家絃管分明兒家庭院淒清只有一枝橫竹奈
他都是秋聲

賣花聲

翠鳳譚釵梁倦卸殘妝銀釭羞解薄羅裳總是檀奴憐
惜處頰粉肌香 恩愛兩難忘豔福雙雙細思何物抵
伊償月樣容華花樣命珍重年光

前調

梨院雨紛紛深鎖閒門春人原自怕黃昏簾幙半垂窗
半掩怎不銷魂 影事墮無痕夢也何因月明花笑總

前塵賸有畫梁雙燕子愁緒平分

臺城路

客路逢陳珊士同年

壽祺

江湖同作傷心侶重逢鬢絲添了策杖西風停鞭落日
無語相看一笑金樽共倒且買醉花前狂歌側帽見說
桃源於今可有晉時懼白雲休負舊約把青山綠水
都付吟稿短堠烽煙長途冰雪屈指歸期須早朱顏易
老問銀燭光中幾同年少料理扁舟待盟鷗社好

百字令

露筋祠

明璫玉佩問千秋，幾箇女郎祠宇粉。怨珠嗁爭一霎豔，
絕荒原坏土蚊市霜寒螢。鐙月黑夜永，愁多露間花野。
宿同行那識酸楚。今日擣麝留香人來，憑弔欲語無
才語。雲樹蒼蒼湖水碧，定有靈風來去。翠篠煙迷白蓮
波，嫋遙認題詩處。停撓落日神鴉點點飛暮。

浪淘沙

新雁落汀洲，嫋嫋寒流。白蘋波冷水天秋。又是鯉魚風
起也，莫倚高樓。底事苦淹留。歸計還休。有人頻夢大

刀頭想見雲鬟香霧溼深夜鸞篝

摸魚兒

題友人探梅圖

點蒼苔雪痕初霽凍雲陰迥如許江南芳訊無消息歸
夢欲尋何處愁自語恁一片冥濛仄徑羶香霧藏春問
鴈且瘦倚孤筇芒鞋露濕隨鶴踏莎去 閒悵望寥落
天涯倦旅羅浮別恨誰訴頻年負了煙蘿約心事唬鵲
能語重記取怕蝶影迷離忘卻空山路枝頭翠羽曾伴
我當年酒醒殘月深夜此情緒

南歌子

江邊觀人送別

瑟縮琴裘薄淒涼袖影單暗淚各偷彈滿懷珍重意怕人看

風蝶令

錦簇芙蓉褥銀鉤翡翠簾偎紅心事鏡臺前半臂替渠珍重曉寒添
弱鬢飛蟬薄雙翅感鳳尖近來蹤跡怕猜嫌只合碧桃花下數春纖

憶舊遊

題法梧門先生續西涯雜詠圖

圖後爲王子卿
諸人補圖詠

想長廊覓句曲院飄鐙跌宕題箋商略琴尊供趁茗甌
茶簞閒說因緣詩盒寂寥人去秋夢散如煙有俊侶相
逢權蹤重續茶話年年流連勝遊處怎冷落詞場酒
海花天賸有斜陽在奈苔荒樹老又換鷗邊畫圖幾番
回首風景總淒然怕夜月吟魂空亭掃葉仍未眠

一枝花

送友人出守江西

澹寫離人影一抹斜陽疏樹峭帆風送遠碧波去分付

驪歌且畫旗亭句指點河橋路緩拂征驂匡廬知在何處
秋色彭郎暮吟徧落霞南浦觀梅官閣外西山雨
憶否天涯有舊侶閒鷗鷺葦鱸歸計阻問甚日扁舟向
江上尋煙語

浪淘沙

紅藕墮花殘秋雨潺潺天涯應怯客衣單今夜十三樓
上月休更憑欄離思劇無端好夢偏難關山何日唱
刀環只恨浮雲遮望眼不見長安

瑤花

辛酉七月十五夜坐月綠莊嚴館秋光欲波天
人息籟老蟾素輝盟子孤寂意有所感倚橫竹
寫之

纖雲淨洗萬里涵輝瓊宇都澄澈花魂初醒簾乍捲冷
浸一庭涼雪塵襟盡滌渾不覺天風飄瞥歎素娥依舊
團圓明鏡幾曾傷缺高吟拍徧闌干問法曲霓裳今
向誰說河山無恙還憶否當日廣寒宮闕危樓獨倚聽
鶴背遙笙清絕瞰秋江喚起魚龍橫竹數聲吹裂

臺城路

侍姬羅氏名倩字倩紅嶺南西樵鄉人也玉潤
凝姿珠光流慧年十四卽歸余楚楚依人娟娟
此多花晨月夜形影相隨鏡檻書城市釵廝並
時逾四載別竟千秋五月榴紅一枝花葬年甫
十七以暴疾亡傷哉撫青衫之溼徧莫罄紅愁
檢翠袖之留芬尚餘碧唾香返魂而乏術草懷
夢以無聞隕涕調鉛含愁把筆詞成四闋淚綆
千絲

四年同作傷心侶傷心此番嘗透幽怨懷人嘸痕洗面

爲問泉臺知否銀缸坐守甚鏡約釵盟總成孤負寂寂
蘭房魂悽夢慘者時候年來我耽小病鬢絲禪榻畔
文園消瘦燕寢凝香鴛衾偎玉豔福幾曾消受因緣未
久盼好月長圓好花長壽怎奈嬌紅陡驚風雨驟

前調

畫簾寒鎖鴛鴦社重來頓增悽楚衣冷鸞篝塵凝麝篋
寂寂芳魂何處情絲萬縷翦不斷柔腸祇添愁緒影室
淒涼玉鈎羅薦冷無主頻年應官聽鼓惜香衾幾度
鴛幃延伫此日孤眠長宵驚起不到林鴉催曙良辰更

苦痛艾酒蒲觴送卿歸去一曲懊儂落紅唬杜宇

姬亡於五

日
月九

前調

愴神弔夢尋常事年年慣禁哀怨月缺花殘珠唬粉恨
爭似此時悽惋遺真暗喚恁秀靨修眉秋波流轉莫是
芳魂瓊環風細返天半營齋俸錢已薄仗離紅慧業
慈雲應戀聽雨垂簾留春伴影祇有維摩經卷情緣怎
斷怕未卜他生再成仙眷明鏡愁看鬢絲驚更短

前調

明知電火光陰幻此生那禁憔悴酸透梅根苦深蓮的
迸作心頭滋味長廊舊地記花月嬋娟畫欄同倚今夜
星辰一庭風露冷如水朝來頓添煩惱歎尋常眠食
憑誰料理影怯空房寒侵孤館那有重逢情事餘香竟
體是唾點華凝襲人衣袂待寫相思夜臺何處寄

洞仙歌

彩雲一展認香車初到連夕鐙花豔雙笑記那回相見
鬢髮垂髻銀鏡裏又換飛瓊風調更闌攜素手楚楚
腰肢燕燕分明掌中小芳姓劇憐卿悄綰蘭襟指疊雪

香痕輕妙數明夜蟾光正團圓恰碧玉盈盈年華相肖

前調

春寒小院啟文窗六扇掩映簾閒玉人面指裙腰草色
綠與衫同渾不及鏡裏眉山蔥蒨惹儂添悶損訴說
飄零出水青蓮綠波泣身世可憐生一縷愁絲穿不起
淚珠成串從今後相思愛河深儘打疊柔情爲伊腸斷

前調

牙籤錦軸傍盤龍妝鏡圍住春風鬢雲影更琉璃硯匣
暝寫晨書恰伴我映月囊螢相稱夜闌同翦燭擁髻苦

微嗔問字迴身昵郎並翠袖薄寒生蓮漏聲沈渾不覺
鸞篝秋冷便同夢籠鴛被池香也豔福無多那堪重省

前調

瑤簪墮折痛曇華一現化作愁紅碎千片悵返魂香杳
續命絲難空盼著姍影素鸞天遠情緣同夢幻三載
年華彈指匆匆去如箭約略數前歡攏袖熏香猶記取
妝臺花滿又誰料天風珮環音早做就鐙前玉絃哀怨

前調

淒然影室痛眞眞難喚總帳扶牀繞千遍也明知仙夢

撒手離塵怎禁得洗面嘸痕如綫

含悲搜盡篋翠履

銀璫半絳香籤半書卷觸手尚餘芬牋楮叢殘印粉暈

脂痕都滿更遺墨傷心忍重看有小字蠶眠認他嬌腕

前調

飛鸞鏡冷記私攜翠袖驀地妝臺已分手想重泉今夜

落月彎環應似我悽寂黃昏時候

玳梁棲宿並第一

難忘仙枕餘芬襲金縷鴛瓦玉霜寒茗火煎愁總難熨

幾重眉皺除夢裏重逢說相思奈夢醒依然闌缸孤守

前調

離情莫訴悵奈何天遠花外沈吟萬千轉認水晶簾底
朱鳥窗前纔幾日化作翠凋紅怨盟言釵合負悔煞
當時天女維摩鎮相伴仙影忒忽忽飛燕裙裾留不住
彩霞天半早知是光陰更無多便廝守妝臺也都情願

前調

銜珠腕約痛臂盟私印欲記綢繆竟無準把檀奴心事
細祝靈香應鑒取珊枕淚痕紅暈情懷空繾綣可惜
歡塵莫向瑤臺步虛認豔福等閒看熨體偎襟都誤作
尋常緣分奈今日思量總淒然甚薄命能消祇添長恨

前調

遺芬在抱賸秋雲羅帕紫玉煙痕已驚化對荒寮秋雨
愁奠椒漿酸風裏空見紙錢飛乍玉棺誰伴取佛院
悲涼可有慈雲露珠灑煙冷玉魚寒猶幸靈簫有仙侶
彩鸞同跨比長簫空牀夜悠悠算輸爾良宵夜臺清話
姬樞權厝觀音院其左右鄰
室六七棺皆新亡少姝也

前調

文園瘦損悵帶圍寬盡愁寫修眉遠山暈儘俸錢十萬
營奠營齋聊慰汝三載添香情分韋郎今已老頓減

風情未卜他生杳難問縱有玉簫緣鸞鏡重窺怕驚見
潘郎絲鬢止一卷金經法王前待懺悔中年萬千愁恨

金縷曲

展倩姬遺影悽然有感

此恨何時已

用飲水詞句

鎮傷心一同展卷一番悲涕秀靨

修眉渾似昔萬喚千呼難起生悔煞留仙無計三載情

緣剛一霎甚人天直恁迢迢地清淚滴如鉛水 銘幽

欲寫相思字奈年來江郎才盡筆花枯死惆悵綺羅脂
粉福做盡愁邊滋味看華鬢已星星矣縱有玉簫能續

夢再生緣怕阻他生裏含酸語卿知未

相見歡

迴廊深掩重門草成茵黯黯春風圍住落花魂
畫欄畔鞦韆院夢如雲惆悵絕無人處又黃昏

蘇幕遮

曲房深幽徑窄簾外無人簾內弓弓牖小院春陰寒惻
惻如水相思化作愁千疊睡鴛鴦眠蛺蝶鈿約釵盟
舊恨成拋歇往事思量誰共說三月飛紅愁灑杜鵑血

菩薩蠻

銀河未隔鞦韆院海棠亭子紅三面
驀地遇驚鴻斜飛一笑中
彩雲偏不住又入花深處
隨蝶到花間餘香滿畫欄

前調

重門已下歲華鎖
夜深何事耽書坐
雲鬢禪香肩要郎
知可憐
沈沈蓮漏寂
今夕寒偏劇
侍女也乖嫌
頻教半臂添

前調

更闌月落噉烏起
丁甯別語零星記
並坐卻低頭知他

淚暗流 妝臺移畫閣草草閒梳掠稽首禮慈雲心香
日夕熏

洞仙歌

題清微道人空山聽雨圖

九龍山色照長眉青影中有幽棲隔塵境正梨妝洗淨
心跡雙清渾不是窗外芭蕉愁聽 禪機如水寂紙帳
單寒止許梅魂伴孤另慧業此三生寫罷湘蘭更一卷
靈飛同證好待取經堂月華明拚落盡檐花翠簫香冷

前調

倩姬週年之辰雨聲入夜不止再填此解

牙籤拂拭惹閒愁千縷回首前塵奈何許悵畫簾垂地
幾度黃昏忘不得天女散花歸去鬢絲禪榻畔獨背
寒燈慣寫淒涼斷腸句無處覓幽棲步履空巖待結箇
菡菴同住生怕是吳孃唱瀟瀟總長觸傷心那時情緒
高陽臺

題某女史梅花小影

女史
善畫

穩睡鴝兒閒調鳳子深宵炙暖銀笙小伴微吟涼煙淡
罨空庭盈階風露清如水踏蒼苔睡鶴初醒悄徘徊幾

曲危欄幾點疏星 巡檐豔說人雙笑想鏡臺春綯畫
檻花繁活色生香然脂寫遍猩屏冰魂要鬪嬋娟影步
嫋嫋眉月三更怕枝頭翠羽頻窺倦眼忪惺

酷相思

鎮日愁春春未醒便夢也無悲準又何怪飄零蹤莫定
郎是箇楊花性儂是箇桃花命 今日相逢非薄倖強
重把頰鬟整儘鸞鏡鴛鴦肩影並儂一似梨花病郎一
似蓮花靚

粉蝶兒

無限相思樽前分付紅粉儘消磨十年幽恨寫烏絲圍
翠袖錦屏歌冷悵花時誤了玉顏青鬢 緇塵染袂笑
蓉莫問粧鏡祇飄零斷腸小影憶嬋娟尋舊夢墜歡誰
省纖情緣併把綺懷銷盡

洞仙歌

題潘星齋年丈

曾瑩

西崦採梅圖

清溪一曲鎖玲瓏千樹應有高人伴幽趣正江南春好
芳訊遙傳忘不得畫裏扁舟容與 荒邨流水外茆屋
三間待向空巖覓吟侶香雪記論心舊夢重尋料此日

孤山無主縱歸約羅浮歲寒盟怕風雨枝頭凍禽飛去

虞美人

綠蘿深護柴扉靜
驀視鷓鴣影
門前一樹小枇杷
何意春光偏在野人家
粧樓鏡檻無多地
並坐烏皮几
狂花滿屋覆檐齊
只是要郎頭爲看花低

前調

重來正值熏香坐
且理閒功課
歌喉一轉燕鶯嬌
恰好箇人低唱我吹簫
迴身故故偎郎抱
碧玉輕軀小
娉婷一捻瘦腰肢
珍重加餐無術學環肥

前調

梨花瘦損嬌無力
小院春寒怯鸞衾
低擁鬢雲鬆一桁
疏簾人臥藥煙中
昵郎枕畔溫存久
也算儂消受別
時心事見時情
萬種愁懷無暇說分明

前調

頽雲倦倚屏山曲
偎暖香頤玉低鬟
扶病送橫波今夜
替儂好歹畫雙蛾
鏡臺久卻閒
脂粉小掠飛蓬鬢
問郎可似舊時容
只怕釧兒寬褪帶兒鬆

前調

拂窗花影明如畫
早是殘粧卸問伊何事減腰圍
手捻湘裙帶子淚雙垂
籠燈抵死催人去無計畱歡住
去畱已自費思量說甚五湖雙槳載鴛鴦

前調

星珠無力營金屋
莫把文姬贖枉渠心願妙香熏朝夕
綠鬟扶起禮慈雲
釵盟鈿約渾難據尋夢知何處
十年薄倖杜樊川今日斷腸休說再生緣

賣花聲

題友人珠海夜遊圖

萬頃碧波瑤劃破蟾漪鏡中人影畫中詩照見鬢天花
似海紙醉金迷 前夢劇相思風景依稀閒情悵觸舊
游時除卻彎彎眉子月更有誰知

前調

雲鬢耀珠鈿翠袖徧纏錦屏春鎖嫩寒天除是侍香來
小玉休揭湘簾 鸞鏡畫飛仙顧影生憐新愁何事上
眉尖縱使芳容花樣豔也惜華年

清平樂

玉顏依舊只覺纖腰瘦金粉樓臺花似繡也有春歸時

候捲簾紅雨如塵垂簾又怕香熏況是陰晴無定最難將就東君

蝶戀花

又到綠楊曾折處和雨和煙飛做漫天絮心事尋春春已暮東皇不作鶯花主滿院嬌紅都化水誰信韶華盡逐江流去燕子雕梁無一語斜陽空戀天桃樹

虞美人

鴛幃冷透屏山角苦憶征裘薄天涯旅況暗思量應比翠篝斜倚更淒涼殘燈一粟寒如水煮到春魂死關

河風雪幾曾經怎得夢隨冰鏡照伊行

瑞雲濃

垂陽巷陌當年曾繫驄馬記得花時醉花下仙雲乍展
恰趁著春光如畫莫問苧蘿村怪匆匆去也誰料驚
鴻又宛在星房月榭一度歌場便拋捨滿襟幽恨待再
向樽前陶寫怎奈東風小蠻已嫁

洞仙歌

狂奴性格醉春風羅綺坐對梨渦便凝睇縱琴邊雲鬢
室映芙蓉忘不得鸚語畫屏山底金尊檀板外賦徧

驚鴻塵鞵淩波鬪纖細無計可量珠補屋牽蘿何處問
五湖煙水只香夢留鴛暫纏綿算花雨鬢天那曾霑體

秋夢齋詞鈔卷二

番禺 葉衍蘭 南雪著

山花子

翠被鴛幃昨夜情羅襟私襲麝蘭馨翻恐人前難隱避
囁卿卿 錦帕緘愁題宛轉香囊持贈繫輕盈誰信陽
臺魂夢裏不曾經

百字令

奉華堂玉印

肪腴一握認紅霞帔倚佩來嫋步並蒂芙蓉江上冷零

秋夢龔詞鈔卷二

落苔花秋雨孟后飛蟬楊娃粉翠同博君王顧綢繆風
月宮羅空闕眉嫵想像補袞當年圖成添線鳳尾親
鈐取絕代柔荑脂暈膩錦帶珠匳深貯芸案按筆芝泥
拂拭百倍加珍護玉錢小篆雙龍知在何處

金縷曲

題雅遜齋詩鈔贈樊雲門大令

增祥

淨洗箏琶耳歎年來廣陵散絕元音誰繼入手瑤華閒
展讀細擬銀簫靜倚海日映芙蓉姝麗畫壁雙鬢同賄
唱算旗亭尙有人知己酬一曲浩歌起瓊樓莫問當

時事只憐他因何墮落號爲才子我亦紅塵經小謫卅
載飄零身世花月夢愁羅恨綺風水霓裳聽已寂甚蓬
萊沒箇容君地彈古調空山裏

浣溪紗

眉月淒涼照瘦人曲欄凭損病中身無聊心事奈何春
鎮日相思胡蝶夢幾時見得杜鵑魂一回惆悵一霑

巾

前調

銀蒜低垂怯晚風曲房香霧鎖玲瓏綠窗人臥藥煙中

燕子不來春寂寂落花無語恨重重千卿何事可憐
儂

天仙子

花底纖纖曾一握經年未踐黃姑約芳菲庭院已蕭蕭
梧葉落羅衣薄星河又絡闌干角

蝶戀花

記得長廊行樂地六曲闌干曲曲都同倚羅襪半鉤涼
月底餘香賸得苔痕膩影事前塵如夢裏道是因緣
尙有重逢未愁緒問花花不理更無人會當時意

長亭怨慢

已拚作天涯羈旅半壁殘燈恁般離緒
珊淚緘紅瑤情懨碧奈何許斷魂千疊
都做盡愁絲縷影事忒淒涼可
記得文鴛雙屨 延伫只梧桐院落
幾點冷楓疏雨秋心一握化蝴蝶夢
中飛去又恐隔霧露芙蓉訴釵約無
人爲主賸淡月銀屏猶照鏡鸞棲處

卜算子

殘照墮簾鉤燕在雕梁語一院
蘼蕪靜掩門綠到無人處
手種碧桃花花片紛如雨惱煞
鵲不解愁只喚

春歸去

碧牡丹

露溼叢篁翠。小院靜、閒門閉。六曲雕欄，曾記那時同倚。
底事重來，便是淒涼味。草盈階、蘚盈砌。輕相棄、清淚
零衣袂。驚心柳。憔悴從此。良宵怕到園亭深裏。一任
黃昏細雨，簾垂地。對寒燈、總無睡。

臨江仙

記取鬱金堂外見。沈沈一帶迴廊。羅衣輕惹麝蘭香。魂
交眞約，略眉語、費周防。心事怕教形迹露，丁甯細囑。

檀郎已曾同坐合歡牀如何瞞得住袈裟兩鴛鴦

摸魚兒

晚香玉

鎖玲瓏一房香雪亭亭微顫纖影好風庭院黃昏後清
帶露華涼沁嬌不定怕花夢成煙暖護花魂醒斜陽做
暝趁夜色瑤階幽芳似水秋思碧空淨 雕欄畔恰稱
淡粧人凭素娥還倚冰鏡銀絲細簇釵梁綴風味枕函
先領羅幕靜愛瓷斗濃薰浸取山泉冷雲屏漏永發雙
笑玫瑰綠鬟低顰醉昵玉肌瑩

國香慢

友人齋中見盆蘭十餘架悉龍巖佳品也噉煙
泣露悽楚可憐感賦此解

霧檻星房甚伶俜倩影瘦盡年光江皋那時紉佩燕夢
思量惆悵靈均去後歎流落誰賦瀟湘迴身昵郎抱素
袂塵縐碧玉神傷移根空谷遠恁煙樵露悴冷泣孤
芳海天琴杳幽恨應痛鸞腸怕惹騷魂深夜悄吟伴寒
蝶噉蜚蠶同心渺何許一翦秋雲覓返生香

虞美人

蘭房銀燭明如畫
門外雕鞍卸
層闌花影月玲瓏
珍重良宵雙笑錦屏中
於今繫馬垂楊下
庭院清清也絕無人處
見簾櫳獨自歸來燈暗一星紅

菩薩蠻

細匝花簇盤龍鏡
細窗閒煞春人影
獨自畫蛾眉
淺深君不知
羅袂金蛺蝶斜繫
丁香結
幾日海棠風
賺欄落碎紅

前調

垂雲寶帳流蘇碧
嫩寒鎖夢春無力
裙帶稱身長
鴛鴦

綺一雙
鳳釵橫紫玉倦倚屏山曲對鏡貳生隣含情
不啟匳

前調

畫堂春暖圍金谷錦紋細蹙芙蓉褥一曲舞山香羅巾
貼地長
紅綾千萬匹廿六鴛鴦列絳蠟總分明鸞釵
舊日情

前調

湘裙翡翠泥金簇鬢雲春膩香頤玉綽約數花枝除非
鸞鏡知
蘭姨智瓊姊私印綢繆記情事太模糊夢寒

聽鷓鴣

前調

翠翹金鳳欹蟬翼香細龍腦銷寒碧春困乍垂簾溫猊
細火添子規啼不斷錦瑟華年換心事萬重山愁多
怯倚欄

前調

醺醺落盡胭脂色笙囊繡澀苔花碧深院柳棉飛雙雙
燕子歸青鸞消息斷夢隔蘼蕪岸愁緒望闌山闌山
行路難

前調

畫欄幾點櫻桃雨。雕梁燕子驚人去。門外柳依依。玉驄
郎未歸。恩情渾似舊。只是朱顏瘦。無計惜春紅。更番
花信風。

前調

錦屏銀蠟團香雪。驚鴻誰賦凌波韻。霜月闌。嬋娟瑤臺
舊夢圓。畫圖鸞鏡側。顧影真憐惜。無那蹙雙蛾。傷心
別恨多。

瑞鶴仙

海棠嬌欲語正紅溼屏山花光如許流鶯尙噉樹怪無
端吹上二分塵土飄殘錦絮怎飄得愁絲恨縷怕呢喃
雙燕歸來不是畫梁朱戶何處枇杷門巷鸚鵡簾櫳
舊遊都阻尋芳伴侶誰共賦傷心句縱春風詞筆吟成
荳蔻莫寫天涯倦旅倚高樓目斷斜陽一襟淚雨

河傳

惆悵花葬小紅亭寒食空山淚零蘼蕪夕陽煙夢醒清
明簾櫳飛絮繁樂府淒涼三婦豔妝閣畔往事都腸
斷錦屏山蓮漏殘嫋嫋倩魂歸珮環

珍珠簾

題高唐神女圖

楚天環珮清秋迴
悄悄嫋嫋誰見行
雲纖步蘭澤散芳馨
壓六宮眉嫵巫峽
生涯原是夢
渾不怕細腰人妒
凝佇望縹緲仙
輶鬢鬢煙霧休說
幻想荒唐歎微詞
豔絕一篇遺賦幽
恨到驚鴻寫洛川
神浦翠蓋霓旌無
定所總腸斷峰頭
朝暮愁緒認倩影
陽臺春風畱住

陌上花

送易實甫孝廉

順鼎

隨父任之黔中

更闌話盡江湖身世歲華驚換驀地驪歌生把酒人吹
散垂楊不繫青驄駐做就離愁黯黯悵旗亭舊事豪情
煙隔芳蹤雲斷拂征羈緩去蠻花紅透極目且蘭天
遠畫閣棠香好待新詞題徧銷魂應念長安客憔悴鳳
城遊倦怕相思縱有鷺盟鷗約鬢絲霜沆

水龍吟

張公東大令

鳴珂

郵示新詞賦此寄贈

水風吹冷霓裳海山誰譜琴天趣江湖載酒頻年飄泊
京華羈旅絕代銷魂鞦韆花影獨吟愁句想銀河滌筆

萬紅香沁白雲在春深處
綠皺池波幾許寫幽懷相
思情緒秋蘭一朵孤芳遙寄楚騷煙語邀遂蘋洲淒涼
夜月舊盟鷗鷺問何時倚醉更闌剪燭話西窗雨

百字令

芙生以端溪石硯見貽賦此寄謝

天涯橐筆歎十年磨鐵鬢絲催老若箇情深潭水闊一
片琳腴飛到巖月涵青溪霞孕碧猶帶星光皎瓊瑤珍
重石交惟此同調無分椽燭修書櫛裙捧侍鸛眼應
騰笑不見紫雲親拂拭空賦寒梅春曉墨磨香流玉蟾

淚滴永佩千秋好背銘有垂文懷人敲句楊花吹落多

少

揚州慢

題孫駕航前輩梅虹橋舊遊圖用白石翁原韻

欄曲兜春水香撩夢客遊已冷鷗程說鬢天影事柳意
尙含青怕螢火悽迷故苑吹簫黃月新鬼談兵歎重來
斜日停橈空賦蕪城畫圖省識料樊川絲鬢先驚儘
十里紅樓煙花似舊誰話深情待寫卅年幽恨都分付
瓜步潮聲惱吟懷哀到江南洗馬愁生

百字令

壬午春暮乞假南旋爰卜秋期琴瑟遘發因倩
梁杭未茂才爲寫扁舟借隱圖聊作他日買山
之券自題四絕和者數家何意驪唱纔催鸞絃
倏斷畫圖無恙執玉手以何期孤棹悽然撫漆
棺而作伴人天悲絕夢影何因百字謠成千絲
淚咽

秋江無恙痛巫雲一朵霜風吹散畫槳凌波嗚咽甚伴
取傷心魂返蝶粉妝殘麝塵香滅錦瑟頻年怨孤鸞影

窄夜臺應共悲惋 今日水銀笙寒憑棺暗問何事成
悵春縱有青山能避俗難望鹿車同挽花月描愁煙霞
冷約瞬息流光換低篷展拂仙裙空際天遠

好事近

深院近黃昏寂寂嫩寒窗戶愁煞畫簾垂地又妒花風
雨 舊時煙夢儘思量夢也無尋處擬把一春心事待
燕歸來訴

賣花聲

簾幙雨如塵花落殘春薄寒窗外更無人誰信舊時行

樂地芳草成茵 檀几博山雲心字香熏畫中愁影鏡
中顰不分因緣渾是夢夢也何因

憶秦娥

西風起閒階吹落梧桐子梧桐子相思情味滿庭秋意
長廊舊是銷魂地虛堂鎮日簾如水簾如水紅欄孤
倚那人知未

長亭怨慢

余與芙生別三十年舊雨再聯春風重唱以詞
藁屬爲點定卽書其後

問何事頻年載酒畫壁旗亭青衫依舊湖海歸來故人
無恙試攜手燕嚙鶯笑猶只是春倏悠恁一掬潭波悽
豔有萬紅香透 回首憶鬢天夢影題徧錦屏歌袖蠻
牋鬪擘寫不盡斷腸花柳又誰信絕代才華祇贏得杜
陵詩瘦且料理琴尊重翦夜闌春韭

喝火令

小坐雲端幕重尋碧海槎也曾香飯啖胡麻記得去年
今日來降蔡經家 紫玉橫釵燕花鈿鞞髻鴉五銖衣
薄繡裙斜除是芳幃幾幅綠窗紗除是琉璃屏幃沒處

可藏他

蝶戀花

春樣年華秋樣瘦香鎖重簾謝卻閒花柳燕子雕梁凝
望久無聊自把輕陰呪鎮日蜂衙排永晝芳訊更番
又到黃昏後懊惱情懷時中酒風風雨雨愁來候

孤鸞

貞孝金女傳題詞笑生屬作

女幼字中表繆氏子忽夢繆衣冠登

堂女驚避翌日計至女哭白父母請繆成喪繼
姪爲嗣娶婦生一女而卒繼孫復傷女乃歸奉

母母亡慟甚
逾月而歿

麝塵香碎悵離恨天慳瘞愁無地倚翠鴛情慕化泣紅
鵝淚秋霜慣摧玉折儘淒涼卷菰心瘁拚作孝烏噉樹
葬靈萱花底甚絲蘿生把孤鸞繫怪夢裡羊車慘蛾
驚避身未分明怎喚夜臺魂起悽悽卅年冰蘖痛青桐
幾番焦尾憑翦皮金小字寫斷腸眉史

青玉案

櫻桃未洗枝頭露被燕子銜將去錦瑟華年春已暮畫
欄重倚舊曾遊處猶有尋芳侶垂楊巷陌深如許奈
迤徧漫空絮寫恨難題腸斷句連天衰草夕陽無語占

盡蘼蕪路

蝶戀花

綠透蘼蕪煙夢醒十二屏山鎖著春魂病燕子雕梁棲
正穩眠香那識香情性茗盃藥爐消晝永無賴黃昏
簾幙悄悄靜花外夕陽紅不定人間第一愁來影

臨江仙

骨瘦那禁春事老慙慙倦倚鸞篝捲簾斜日不梳頭悶
懷聊把盞密意試藏鉤時共藥爐低伴影儘拋閒恨
閒愁狂飆莫近水邊樓紅欄圍六曲曲曲阻行舟

惜紅衣

雁來紅

豔借霜腴嬌含雨暈露華涼滴垂蓼汀洲疏花半狼藉
妝樓驀過渾帶得新來秋色悽寂蘆岸落霞趁江楓消
息琴邊醉客驚惜朱顏尋芳小橋側斜陽日送遠訊
渺鄉國苦憶舊時慘綠誤了夜寒簾隙賸比紅詩句唬
煞杜鵑愁魂

水龍吟

並蒂蓮

曉風吹透霞裳纖跣似闌凌波影亭亭小立圓香印月
倒窺明鏡露浥駢珠絲牽連理花光交映正鴛鴦浴罷
錦塘蘸眼睛煙暖相偎並 襯出蘭池清景憶雕欄比
肩人凭無情有恨江皋前事那堪重省絳樹歌殘同心
望遠粉雲千頃悵紅衣落盡綠房低亞彈雙翹冷

前調

疊前韻又一首

水宮環珮偕來仙裙悄墮嫋嫋影花房舊夢茗華倚玉
那回妝鏡錦蝶縈香纖鱗比目粉痕低映待蘭橈打槳

鱸鄉小隱聯盟約閒鷗並
誰信秋江煙景惜分飛畫
欄孤凭同心結在芳容何處墜歡愁省賸有雙鬟寒裳
采采綠波千頃怕聞紅罷唱一聲河滿怨西風冷

菩薩蠻

閒門靜掩蘼蕪院斷腸人比春光遠莫是不歸來碧桃
花又開
見時無一語底事忽忽去憔悴卻羞郎羅巾
拂地長

臺城路

綠牡丹和友人作

霓裳舞罷雲鬟髻，芬菲碧羅芳徑。畫檻凝煙，湘簾撲絮，
襯出亭亭仙影。瑤臺月冷，訝吹下飛瓊，黛蛾妝靚。露染
天香，玉盤搖曳紺珠瑩。雕欄珍重，護惜縹緲親灌取，
羅袖低映。喚起鸚哥，調來鳳子，漾得花魂無定。薜蘿夢
醒，問富貴年華幾人，青鬢拾翠。蘭階錦堂春正永。

解連環

鬢天墮，刳眉月。商愁翠墨閒調，青衫暗濕。

冶魂銷盡，悵紅樓鎖恨，殢春無影。渾不記綺夢歡塵有，
宵語翠篝曉粧，鸞鏡幾度清歌，便換了樽前芳訊。賸湘

簾一桁麝粉香殘鵲篆煙冷
秋懷頓成薄倖歎情隨
月蝕人替花病灑別淚猶漬青衫縱鴛鴦重調鳳簫慵
整玉砌苔窩尙留得鞦韆羅織印料飄蓬瘦蛾蹙損畫欄
獨凭

大酺

題儷仙內子遺照

甚返魂香驚精樹莫慰孤鸞離鏡沈檀熏供養賸綃幃
留住斷腸仙影暗麝飄殘嬌蛾蹙損猶帶黃花秋病芳
容尙如昔痛低鬟欲語慧心誰證算千縷愁絲霎時塵

夢讓卿先醒 書帷妝閣並儘憐愛都是淒涼境今日
個寒侵翠被淚灑犀簾不爭差夜臺情景縱有釵盟在
怎問得奈何天應願稽首慈雲肯生世難卜還怕春人
薄命又傷墜蘭露露警

浣溪紗

深院蘼蕪綠到門畫欄絲雨送殘春細思前事暗傷神
絕代銷魂垂柳影浮生如夢落花塵人天消息究何
因

前調

鏡裏青蛾有淚痕夢中蝴蝶瘦三分一春情緒總霑巾
不盡纏綿金帶枕絕無消息石榴裙影堂低首妙香
熏

蝶戀花

又到舊時尋夢處庭院惜惜幾點瀟瀟雨滿徑亂紅飛
不住無言自過鞦韆去鎮日雕梁聞燕語似絮今番
怎把芳期誤欲說閒愁誰可訴依人只有垂楊樹

前調

鎮日愁春春不管紅到酴醾綠到藤蘿岸寂寂簾櫳飛

絮亂窗前只聽嗁鳩喚
咫尺畫堂天樣遠誰信當時
青鳥傳書慣遮莫登樓勞望眼斜陽芳草空凝盼

碧牡丹

鎖日簾垂地粧閣畔閒於水不見庭花只見滿園飛絮
半霎斜陽又換黃昏雨儘孤吟斷腸句傷心淚夢約
渾難據依然舊凭欄處底事中宵風露淒涼如許繞徧
迴廊獨自甚情緒數春星無一

平語

河傳

簾幃香鎖小房櫳羅幙深深幾重迴廊隔花無路通迷

濛濛庭飛絮風 斜倚畫欄思往事曾此地斷夢模糊
記繡幃邊鏡臺前留連凭肩釵影偏

垂楊

章臺夢杳記陌頭弄色嫩黃初裊舞損纖腰小垂烟態
偎人抱那知隄畔凋零早絮飛盡翠樓春悄賸當時汁
平 梁青衫漬淚痕多少 猶說靈和殿好奈朝雨幾番
也摧殘照倩影依依怎禁憔悴香塵埽攀條更恨長安
道怕重問燕昏鶯曉歎風前一樣蕭疏絲鬢老

氏州第一

秋聲和友人作用清真韻

寒逼窗寮香暗檻曲簾颺碧暈銚小惹恨懷人悲秋送
響悽斷征鴻縹緲無賴西風瘦損了幾平番斜照識燕
情緣留鴛鴦影跡豔游都老 作賦清才今已少只贏得
相思愁繞玉漏驚魂銀釭妒夢迸做淒涼抱倚鸞篝思
往事休重問玫瑰淺笑惱煞庭柯攪柔腸霜昏露曉

子夜歌

經舊遊處感賦

遡歡塵錦屏絳蠟花月豔情如許有多少琴心箏怨付

與紅牙金縷徑窄埋鴛樓空鎖燕鷁換淒涼處牋長廊
鸚鵡迎人似說華鬢影事夢尋無據 雕欄畔逡巡繞
徧冷落一庭秋雨禿柳當門橫藤礙路莫繫遊驄住悵
樊川薄倖天涯空歎羈旅翠袖籠牋青衫浣淚漫憶銷
魂句祇十年幽恨難忘酒邊悽語

瑣窗寒

譚仲修大令 獻代訂詞集賦此寄謝

落拓江湖頻年載酒蹋歌呼侶纏綿寄恨影瘦萬花紅
處寫秋聲素琴獨張自彈夜月情誰訴謝詞仙拂拭芳

襟遙證翦燈悽語 幽緒愁如許且細數箏言靜邀簃
趣雙鬟賭唱莫問旗亭金縷悵天涯日暮碧雲懷人添
賦傷心句感飛蓬書客飄零倚畫樓聽雨

秋夢盒詞續

番禺 葉衍蘭 南雪著

千秋歲引

黛冷細匳箏閒寶柱繡帶尖紅澀纖步龍釵戛斷紫玉
朵鴛機簇亂黃金縷錦屏開總羞對鏡鸞舞 鬢膩怯
風黏粉絮釧翠貼花縈香雨鵲尾熏鑪夜添炷流蘇絡
寒迷蛺蝶瀟湘綺曲藏鸚鵡剔蘭釭夢和淚深宵煮

柳梢青

好夢安排悄攜翠履偷整鸞釵寂寂花陰金鈴犬睡月

冷閒階 尋常密約難諧倚屏角羅幃暗開珍重良宵
恁郎憐惜休更疑猜

高陽臺

鴛幃團花鳬銙綴月錦堂香靄鸞篝瑞露宵承天風吹
下瓊樓蠻雲響遏高麗舞更添他蠅虎涼州甚雕籠鸚
鵡多言不訴春愁 瑤池鶴駕颺輪疾只宛渠淺泛一
葉螺舟欲洗箏琶清歌夢憶前遊留題牋有雙裙帶記
當年曾繫筵篴算而今遠聽哀鴻怕對村謳

聲聲慢

韓熙載夜宴圖摹本和友人作

華筵金碧繡幄嬋娟暖霞香護春嬌往事沉吟南唐豔
蹟重描明蟾慣窺歌舞只瓊樓遠隔層霄豪情甚任花
天如海酒浪生潮 幾度畫圖省識歎歡塵夢幻一樣
魂銷憶得分明銀屏絳蠟千條誰繪流亡小屋泣秋風
寒色深宵愁拂拭對殘鐙聽徹麗譙

解珮令

一簾紅雨滿庭飛絮歎飄零花事春光暮蝶亂蜂忙尙
鎮日尋香何處總難忘東君分付 十郎才調探芳騎

鶴趁長風翩翩歸去南海明珠更誰信寂寥如許怪雄
鳩也無言語

水龍吟

久不得玉珊信歲暮感懷譜此寄之

白雲無限相思替人寫出銷魂影琴邊舊恨詩邊舊夢
斷腸重省刻翠閒情題紅輓語歡悰塵冷悵南枝瘦損
春來信杳都莫訊梅花病 又是衝寒暮景抱冬心畫
欄孤凭瓊簫擲罷瑤觴傾盡幽懷誰證一樣飄蓬江湖
休問鷺眠鷗醒縱蠻牋寄得也難分付把離愁罄

玉京謠

夢繞花飛春隨雲懶紅閨殢病翠墨鐫愁

院鎖薜蘿冷小雨閒階滴破梨雲暝似水簾櫳重幃香
裊人靜那信道倚翠良緣總做就離鸞悽影憑誰省傷
心幾度埋紅幽徑思量沒計扶花病黯銷魂又怕花
淚迸蘭喘嬌沈偎衾生受郎並炷寸檀稽首蓮臺祝好
夢比春長命愁莫罄知否有情天肯

臨江仙

金谷園荒花事老落紅惆悵芳時鄰家蝴蝶尙依依那

知梁上燕無處啄芹泥
賸有醪醑殘豔在飛蟲亦撲
空枝天涯不信子規啼
愁春應未醒爭欲採香歸

臺城路

殘紅瘦盡鞦韆院
瀟瀟雨絲催暝語
澀嬌鸚香霏暗麝
誰在碧蘿芳徑
梨魂喚醒認玉色闌干
袖羅同凭簾額
風纖淒涼畫出斷腸影
天涯多少別恨那還禁慣得
花葬情景翠墨題緣鴟絃譜怨
莫減露蘭春病秋雲
冷算孤負當時寶釵鸞鏡
賸有啼鴒訴愁和淚迸

浪淘沙

沉水罷熏香懶整殘粧病容扶起立斜陽滿院梨花人
不見燕子雙雙影事劇淒涼瘦損年光明知歡會總
難長只是心頭和夢裏多分思量

解連環

碧城深處記銀蟾墮影翠鴛尋路算幾度豔曲徵歌看
釵鳳悽翹鏡鸞羞舞掩袂金屏且莫避雕籠鸚鵡只靈
犀暗遞絳蠟分明恨鎖眉嫵重來綠陰似霧悵梨雲
黯黯春又催暮縱認取珠箔玲瓏怕花雨迷離夢魂都
阻密札芙蓉更難問洞簫庭戶賸空廊嫩苔小印屐痕

細數

摸魚兒

春感

徧天涯柳棉芳草層樓都被遮
斷空庭穠豔霏如雪裏
得夕陽紅爛簾乍捲
悵縹緲詩魂瘦逐梨雲散
韶華恨
晚更芳藥闌移
藤蕪徑寂春又老
般般香邊意分付
纏綿翠管鸞綃空寫幽怨
琴心箏語嬋娟福早已刪除
一半愁
莫遣總蹙損秋眉
淚漬看花眼
銀屏夢遠拚蘭
屑飄芬蕙懷銷綺影事問雙燕

金縷曲

七十生日自述

試買春前醉撫頭
顱居然老大光陰彈指湖海飄零書
劍在負盡平生知己愁縷縷欲埋無地羅綺情緣脂粉
福散黃金嬴得青衫淚花月恨漫提起卅年乞米長
安市乏田園歸來亦樂再盟煙水今日鬢絲禪榻畔悟
徹浮雲身世且待把虛名料理猶有雙鬟詞解唱算旗
亭以外皆閒事華騰夢早醒矣

南浦

草色和張韻梅大令

景祁韻

春鎖一庭陰慘迷離逗得垂楊蘇醒幽意透簾櫳連宵
雨添釀苔痕低映紅樓望遠夕陽多少傷心影惆悵脩
蛾愁黛減掩卻綺窗鸞鏡年時拾平翠芳郊共煙蘿
襯出青衫半領縈恨短長亭浮嵐外遙颺馬蹏無定韶
光弄暝晚風吹瘦蘼蕪徑曾記羅裙搖曳處前度倚欄
人並

泛清波摘編

銀鐙款月繡幄圍香金谷豔輸庭院好落紅拚盡不顧

花時燕鶯惜狂飈埽簾櫳景寂車馬聲稀槐柳競隨春
意鬧滿日頽陽雁影鑪峰度雲表情紛擾瓊苑迅飛
彩鸞絳闕又來青鳥惆悵韶光總如夢更無昏曉恨憑
眺幽壑幾處綺蘭名園一堆荒草況是樓臺暮色亂山
多少

天仙子

鸞鏡鎖春愁黛淺夢裏蘼蕪山更遠鴛鴦機文錦織成空
蓮漏緩琴絲斷腸繞轆轤千萬轉涼月墮簾花影顫
繡屨霜痕凝砌蘼翠篝香燼畫欄寒雲鬢亂朱顏換心

事奈何天不管

雙雙燕

與後一首皆少作檢舊稟得之附錄于此

問燕和沈伯眉

世良韻

畫梁露濕是深院梨香甚時重到烏衣巷陌換卻幾回
芳草知否斜陽遠道有故侶淒涼懷抱傷心社雨冥濛
漸把杏林催老 幽峭天涯夢杳記舊日紅絲繫來春
曉花間含睇定惜鏡鸞悽照辛苦營巢未了似惆悵粧
樓人少應歎玉腕鉤簾更比去年纖小

百字令

銅雀臺瓦硯和朱墨莊

寶齡

韻

紫雲誰割認漳河夢雨飄來荒壘寫到南飛烏鵲事錯
過雙喬眉翠拂拭青膚磨礪碧暈掩映蟠螭字雄心橫
槩一家詞賦猶記堪笑贅冷鴛鴦西陵歌歇解散分
香仗差勝銀蠶金雀感留伴騷壇文史蜀錦封題吳綾
什襲漫滴蟾蜍淚錫花雷斧墨池芳麝霏起

繞佛閣

題圓圓小像

豔蟾照影霄露未浥宮漏催冷歌隊愁領那禁越國明

珠醉筵贈戰雲四警龍漢墮刼花淚悽迸塵鬢重整共
驚綺素軍前迺鸞鏡 蕙質慕蓮潔漫擬昭陽飛燕並
還戀佛幢金經瓶水淨任玉枕熏籠眉鬪嬌靚五華煙
景賸妙相優曇留伴幽境恨攄禪夢難呼醒

臨江仙

膩粉纔成粧半面東施偏效眉顰評量佳豔燕鶯喚樓
臺烟雨重那解惜芳辰 滿院穠華誰管領都憑畫檻
移春飛飛蝴蝶逐香塵任渠花底活原是夢中身

驀山溪

亂雲如許攪作愁絲緒深院競鳴鳩渾不管幽閨何處
醺醺開後芳訊已闌珊鶯意懶蝶魂孤落盡紅成兩
雕梁燕子也會人言語訴說豔陽天怎只見漫空飛絮
而今池館那似賞花時琴趣冷笛緣慳情願春歸去

婆羅門引

去歲星橋駕鵲月鏡悽鸞屈指瓜期傷心粉席
牽牛西北離獸東南麝翠題綃鵲紅漬袂

銀潢清淺鏡臺冷照一簾塵影堂空喚真真猶是去年
今夕不見去年人痛他生未卜短夢何因 維摩病身

歎別恨與誰論
悵望中庭瓜果珠淚霑巾
珮環已杳怕
靈鵲難度隔河魂
良夜怨甚過黃昏

婆羅門令

前詞意有未盡再填此解步竹垞韻

去年事夜涼如水
今年恨也夜涼如水
怪底良宵都只
是傷心地靈匹侶
訴得傷心未
螢光暝蛩語脆望天
河獨自危欄倚銀屏
尙記當時意絃管
塵拍歌鳳鞋觜
碧槎僊遠選夢無計
臥看淒涼恁已愁煞
雙星會替灑
雙星淚

浪淘沙

微雨襲幽窗溼盡秋光寒燈煑夢漏聲長便是燕勞腸
亦斷何況鴛鴦繡被冷空牀蘭麝銷香獨眠情味暗
思量樓上縱然花照影莫解神傷

清平樂

苔絲雨繡小苑輕寒逗露點石華凝廣袖花似倚欄人
瘦落紅如雪無聲平蕪撩亂縱橫未到送春時候已
看庭院淒清

臺城路

素馨斜

紅雲冷落昌華苑宮衣散餘歌舞豔骨吞絲香魂瘞粉
恨鎖青原坏土斜陽冪樹悵廢隴荒煙蝶裙何處賸有
涼螢夜闌悄影墮秋雨呼鸞休問故道畫橋流水杳
花葬誰主斷碣霜苔連畦露卉閱過興亡幾度樓羅細
數算喚起芳名尙留春駐戲馬臺空玉鉤同弔古

百字令

拜東坡先生生日作

太清奎宿甚無端幻作塵寰春夢磨蠍星宮生命值贏

得窮愁難送玉局朝班金蓮蜜炬渥荷君王寵蛾眉謠
詠卞惇簀舌徒弄遙想天上瓊樓纏綿忠愛千里蟾
輝共笠屐風流傳海外山斗騷壇齊奉一盞寒泉惜無
丹荔來伴梅花供南飛孤鶴瓣香虔熱珍重

浪淘沙

秋日泛舟卽事

晴日滿溪灣波暖雲間夕陽偏愛戀秋山脩到美人羅
袖倚僂倖紅欄小艇載花還倩影姍姍分無蘭麝伴
衰顏一枕穠香琴榻上聊當春看

天仙子

燈黯重簾簾外雨。畫梁燕子驚人去。粧樓塵鎖翠雲箱。
情萬緒。愁千縷。秋夢盦前香一炷。

高陽臺

題厲樊榭先生遺象

館冷秋聲樓空花隱。騷魂已賦。遊仙唱出孤墳。探芳猶
記湖船風流。合繼蕢洲笛寫幽懷。妙註詞箋競吟壇。駕
水漁歌同譜纏綿。蓬池漫繫閒鷗住。只邗江裙屐情
話頻聯。夢返西泠。六橋春鎖晴煙。紅欄月墮淒涼影。賸

交盧夜伴枯禪展輕綃一抹寒林海思琴邊

漢宮春

題南漢馬二十四孃墓券

文凡三百餘字略云
維大寶五年壬戌十

月一日大漢國內侍省扶風郡破故亡人馬氏
二十四孃年登六十四命終魂歸后土用錢買
得左金吾街咸寧縣北石鄉石馬保菖蒲觀界
地名雲峯嶺下地興功造墓溫葬亡人馬二十
四孃百代溫居永爲古記
土人於城北掘地得之

歌舞飄零問昌華故苑煙鎖蕪青扶風尙留片石抵似
韓陵苔花孕翠認當年瘞玉雲肩蒲觀冷呼鸞響寂碧
燐照出荒陞惆悵兔絲吞骨賸宮娃斜畔素豔流馨

離非瘦蕙篆刻可勒幽銘蒼涼斷碣付春鋤綠野人耕
猶幸伴秦甌漢瓦古香鬱勃書城

瑞鶴仙

撲簾飛絮亂問底事東皇送春不管流萍逐波遠更潛
蹤來去繞隄侵岸榆錢滿院便欲把韶光買斷話呢喃
訴到傷心恨煞杏梁歸燕愁見三千鐘乳十二銀屏
醉魂深淺嘯鵲疊喚鶯花夢總難遣歎園林風月蓬蒿
荊棘占得樓臺一半望天涯無限浮雲盡遮淚眼

鷓鴣天

二月風狂翦柳枝
依人燕羽亦離披
披糠燈似豆停機
候蠟淚成堆
罷宴時歌舞散漏聲遲
簷前細雨又如絲
鸞篝香暖鴛鴦宿
那有春寒到被池

月底脩簫譜

寶釵分瑤瑟冷心事
鬢雲亂鏡掩細簫
學畫瘦蛾懶可憐
暮雨瀟瀟吳娘怕
聽卻偏近芭蕉庭院
夢難遣夜深細嚼紅霞
珊淚唾壺滿抱影纖腰
除是玉釭見縱然燕子呢喃
會人言語奈訴盡
春愁不管

浪淘沙

歌筵感賦

釵鳳髻雲鬟舞罷衣單嬌魂扶不上屏山誰信九華燈
影下猶有春寒 綃袂怯嫋嫋寶瑟慵彈袖羅偷揜繡
幃間絳蠟分明知此意莫護花殘

秦淮八豔圖詠同韻梅作

國香慢

馬湘蘭

曲榭燈涼有同心擢秀淡挹幽芳傳神碧瀟春影麗鬪
詞場絕代風流俠骨問朱家誰似紅粧千金教歌舞一

桁珠櫳齊炙鴛鴦
小園飛絮滿記瓊筵醉月豔說王
昌綵裙諧謔空賦沈水銷香孔雀
庵邊憑弔墜釵聲猶
想蘭房拈花微笑喚醒騷魂不羨
鴛鴦

女冠子

卜玉京

妙明燈炮鏡籤銷盡蘭麝脩蛾慵掃
瓶花親供銀蒜低垂幽芬縈惹柔柔
紅袖亞恰襯澹黃絙翦暈粧嫺雅倚
疏寮鬢影颺綠淺映佛螺如畫
翠鈿零落珠襦卸記
玉杯春暖舊感琴河寫素絃彈罷念
家山人破淚痕頻

灑梅檀蓮座下可有法華留護祇陀庵舍更鵲鑪重熱
綺情都懣繡幃斜掛

三姝媚

李香君

新歌傳玉茗悵桃花仙源巫雲留影婀娜風姿認媚香
樓畔曉粧開鏡袖底簫聲偃茜幌櫻唇交映唱到琵琶
涇盡青衫暗催歸艇 回憶鴛盟初訂笑十斛明珠聘
錢空贈脫鑲鸚籠痛髻鬟塵浣露巢難定翠扇恩疏看
淚點噉紅猶凝祇伴琴邊清侶禪燈夢醒

疏影

柳如是

章臺絮撲認五茸雉影花豔驚目巾袂褊褊儒士風流
銀釭燦照金屋蠻腰細擘芙蓉粉慣壓倒吟壇尊宿悵
絳雲萬卷成煙可賸繡鸞篇幅紅豆空誇異瑞那禁
翠袖冷愁倚脩竹拂水莊荒懣盡塵緣靜對妙蓮經軸
蘼蕪夢醒鴛鴦散又唱斷羅衣哀曲歎碧池詠到秋槐
恨滿曉粧蛾綠

月下笛

董小宛

玉映蟾輝良宵並坐影梅池館湘簾試捲嬌趁芙蓉露
華泣幽蘭暈碧風枝裊愛小印紅絲繫腕更寶釵搜豔
搓酥滴粉共題驚絹仙眷淩波見記蕩漿金焦茜衫
塵浣銀缸鬪茗料伊雲海遊倦畫欄香霧霑衣冷願長
作姮娥彩伴怕喚起杜鵑魂寒食桃花夢短

眉嫵

顧橫波

歎眉樓人去市隱園荒花月秣陵冷恍覩瑤池宴燈筵

昨秋波留照仙影玉梅豔映彈鬢雲愁滿粧鏡料歌起
卅二芙蓉麗伴紅燭華省嬌靚簫臺聲靜憶繡屏聯
句芳意消領春老香嚴閣情天恨幽蘭風絮無定畫堂
夢醒悟善持龍女同證悵垂柳驚秋空補寫白門景

翠樓吟

寇白門

酒污翻袞釵光射鬢柔情未消豪氣侯門歌舞散負一
舸千金深意銷磨紈綺是鐵騎邊愁銀鱸鄉味長千里
舊巢猶在燕歸凝睇佳麗空說南朝歎渡江桃葉玉

箏重理墜歡如夢醒想低擁樊通雙髻噓粧慵洗恨雀
扇輕拋蠶絲牢繫簾波細豔魂一縷倩誰扶起

慶宮春

陳圓圓

滿月爭輝橫塘駐影豔名早冠香溪朱邸藏嬌瓊筵顧
曲酒酣密透靈犀繡韉駛去恨驚聽漁陽鼓聲投鞭遼
海縞素軍中重返鸞篋雄姿漫說征西碧血全家鵲
淚空噓玉帳兵銷銅臺春鎖暗愁驕馬頻嘶五華高築
懺塵夢禪關靜棲傷心誰訴忍見吳宮芳草淒迷

蝶戀花

纖月窺簾簾似水浸透秋心酸入眉尖裏一角畫樓連
苑起樓高沒個埋愁地憶得鸞篝熏翠被一枕流蘇
香襲鬟雲賦往事分明紅蠟淚於今霜鬢添憔悴

臨江仙

罨畫樓臺春正好無端風雨淒迷鳴鳩屋角盡情啼摧
殘花事老桃李漫成蹊燕子簾間聞太息雕梁寂寂
孤棲盈階螻蟻逐香泥縱教紅日近爭奈綠陰齊

一叢花

詠並蒂蘭

生香不斷畫屏中相對素心同幽懷欲鬪瀟湘影悄攜
手仙珮丁東珠綴麝囊褰垂鳳帳消受晚煙籠花光
齊浥露華濃蝶夢伴惺忪離騷好倩雙鬟唱賦連理譜
入絲桐空谷盪雲重簾瀉月臺畔鎖春風

蝶戀花

曾是昔年歌舞地一樹枇杷小院重門閉空牋碧桃仙
犬吠隔花簾幙深如此惆悵斑駁何處繫滿徑蘼蕪
識得銷魂未無限韶華都化水亂紅飛作春人淚

西子妝

題玉珊寒松閣填詞圖

山月邀涼溪雲做暝冷抱冬心誰訴料應禪榻老維摩
弄霜毫鬢絲如許天涯倦旅算贏得旗亭詩句伴微吟
更瘦篁庭院疏梅窗戶琴邊趣懺盡情癡未祓清愁
去畫欄花夢憶芳時按瓊簫雪兒何處紅牙舊譜試重
訂新盟鷗鷺怕銷魂一掾江湖聽雨

摸魚兒

春光已去閒恨難排聊代愁言以抒幽臆

倚層樓畫簾吹絮送春烟黯南浦飛紅縱肯將愁帶無
奈夕陽留住愁自訴問遠水天涯那有尋歸路吟商舊
譜且破硯敲餘寒燈坐久清影伴君語纏綿意慘綠
年時共處眉尖心曲常聚歡情花月嬋娟地秋夢淚痕
如許君試數但寫到蠻牋便把儂分付禪龕恨侶看纔
泣鸞綰又題錦瑟多少斷腸句

虞美人

撲簾花氣濃如酒釀得韶華瘦夕陽低映小桃紅恰似
箇儂春影茜紗中闌干劃徧相思字莫向天涯寄呢

喃燕子傍妝臺可是會人言語特歸來

玳窗寒

綠姬萎謝未閱三秋遺女淑芬又傷玉隕悲懷
泚筆清淚盈襟

悶掩香篝犀簾灑雨綺窗催暝塵凝黛篋恨鎖舞鸞妝
鏡甚蘭階桐陰鳳棲斷腸又散優曇影痛嫩紅萎露人
天難問好春無定悲哽愁誰省對繡襦瑤環淚痕暗
迸千般愛惜那抵芙蓉薄命現驚鴻空牋畫屏小脣秀
鬢花豔映傍秋墳喚起嬌鶯伴夜魂淒冷

聲聲慢

題玉珊江天琴話圖

關河鴻雪湖海鷗沙一襟秋淚誰知恨滿冰絃微波應
許通辭青峰別來無恙向天涯替寫相思纏綿意望樓
頭煙雨細數歸期 猶有萍蹤契合趁晚霞如練仙侶
舟移長嘯憑欄懷人畫裡尋詩空山月明雲遠訴愁心
萬頃琉璃邀鶴語怕風前添了鬢絲

秋夢龕詞再續

番禺 葉衍蘭 南雪著

慶春澤慢

東冒鶴亭 廣生

珠幟紅禪香霏碧唾十年秋夢初醒唱出東風何人共
畫旗亭銀河淨滌生花筆皺池波甚事干卿話纏綿幽
恨桐悲芳思蘭馨 楞華豔散 沈伯眉 霜芙蓉 汪芙生 悵霓
裳舊詠法曲凋零海上琴孤更無歸鶴潛聽白雲只在
山中住訴哀絃喚起湘靈泛仙槎杏苑尋芳歌徧瑤京

鶴亭時將
計借入都

陌上花

題金雉生同轉

武祥

冰泉唱和集後

粵西梧州城外有冰

井寺井爲元次山所鑿寺依大雲山麓卽漫亭故址也雉生監離其地時借賓客遊詠井舊有次山銘石已佚倩美生補書重刊并刻冰泉唱和集屬題識此應之

林巒路曲詩仙何在宦遊前度玉簪苔花青到斷無人
處漫亭雅繼風流會嘯傲壺觴儔侶更蠻賤鬪擘井華
同唱柳家詞句 恁秋蕪徧踏舊題銘字待向石闌重
補細酌清冷證取素心如許夕陽瘦映禪關靜淡寫大

雲烟樹料山靈定訝逍遙琴鶴再攜樽俎

憶舊遊

前詞成後偶憶從前惠山品泉之樂再填此解
自坡仙去後曲水亭空瘦損斜陽玉蟄蓮池注賸漪瀾
點碧環繞山堂舊遊記尋鷗侶揮麈繼壺觴趁鶴院琴
閒禪扉花落來話滄桑疏狂曳吟屐對檻外雲巒都
付奚囊鴻雪痕猶在怕芙蓉江冷煙夢蒼涼甚時更攜
團月重上九龍岡想腋底風生松濤萬壑天籟長

秋宵吟

和蘊梅韻

掌中情扇底語背影華堂蓮炬屏山曲認鴛鴦銀河飲
牛仙渚玉鷺衾繡鳳杼夢到湘花庭戶纏綿意賸翠
履弓彎絳囊絲縷麝粉香銷更說甚秦簫豔侶病拋
瑤瑟瘦怯綃衣莫問皺裙舞深夜紅霞吐舊印綢繆釵
鈿漫數對殘燈冷坐幽窗吟竚淒切訴暗雨

清平樂

七夕感舊

天街似水獨自迴欄倚記得去年腸斷事一樣冷清清

地 空庭露溼羅裳金猊寒燼鑪香今夕不知何夕星
辰倍覺淒涼

菩薩蠻

遙山黯淡春陰滿游絲飛徧梨花院野草冒閒庭紅棠
睡未醒 華筵歌舞倦簾外流鶯喚錦帳醉芙蓉邊書
不啟封

前調

琅璈鈿瑟瑤池宴素娥青女時相見濁霧起樓蘭邊風
鐵騎寒 扶桑東海樹移種荒崖去淚眼望斜陽關山

別恨長

前調

觸輪夜半飛鯨惡魚龍曼衍潛幽壑海蜃駕長空寒濤
戰血紅 珊瑚金翡翠滴盡鮫人淚遺恨鵲填河波斯
得寶多

前調

鳳窠羣女顰頰舞纏頭百萬輪無數紅錦稱身難搖箏
不肯彈 銀屏圍十二私印綢繆記醉眼太遠離雙雙
金縷衣

前調

淮南赴召牙璋起紫皇
寵報金如意烽火已漫天
何時著祖鞭
清人河上樂卿子
誰偕作大漠陣雲昏淒涼
烈士魂

前調

封狼天塹能飛渡
鵝鵝半壁空如虎
釜底惜游魚游魚
薄太虛
華陽頌十資恩重
鼇山戴湯網總宏開和羹
宰相才

前調

金鑾下詔璇宮裏繡裳特爲蒼生起瓊戶玉樓臺誰教
斫桂來 乘槎空挂席未採支機石青瑣點朝班琵琶
出塞難

前調

窮鱗縱壑滄溟闊姮娥巧計能奔月天際動輕陰冥鴻
何處尋 青燐飛不斷慘慘蟲沙怨江上哭忠魂同仇
粉將去軍

前調

向陽花木都腸斷青鸞望絕音書遠鵲鸞忒知時春情

聽子規 鳴珂金紫煥赫赫麒麟植簪紋樂昇平終軍
漫請纓

前調

卅年競鑄神州鐵水犀翻被蛟螭截雷火滿江紅傷心
駭浪中 長城吾自壞添築螭螭塞廷尉望山頭思君
雙淚流

綺羅香

友人贈羅浮蝴蝶一枚五采繽紛置之花臺信
宿不去一日正凝注閒轉瞬已杳遊仙夢耶優

雪花耶裊觸前塵黯然譜此

綠鎖園蕪紅悽鏡粉意懶花叢回顧曉夢春迷珊枕淚
縈金縷驚翠袖瑤鳥攜來認綃袂畫屏棲處甚情天吹
墮華鬢冪空猶似羽衣舞 簾櫳鶯燕寂靜應歎尋芳
院落碧雲無主栩栩離塵一霎錦裙仙去愁幾度豔影
潛銷也定知倩魂難住恨鴛幃負了雙飛玉鷺衾畔語
鳳皇臺上憶吹簫

題劉光珊 炳熙

留雲借月盦填詞圖

紅黯春魂綠撩秋怨斷腸人解相思悵卅年湖海負了

芳時贏得青衫凝淚羅綺夢細寫烏絲纏綿意茶烟一
榻懺盡情癡天涯踏歌嘯侶應賭唱旗亭選徧花枝
賸碧山無恙同證襟期多少琴心箏語題醉墨幽恨誰
知爐香裊新愁舊愁瘦損腰肢

金菊對芙蓉

窗外桃株秋來茁花數朶娟妍可愛感而詠之
嬌借霜腴媚含煙冷可憐還比春紅訝重來人面瘦到
西風芳林已老伶俜蝶賸曲欄曉露寒蛩采香籬下嬌
然一笑斜日簾櫳病榻倦眼惺忪悵天台夢杳又覩

仙蹤怕空江迎櫂遠水迷濛青娥漫妒纖穠影傍碧梧
帶雨猶濃斷腸悽豔無言有淚低映墻東

百字令

莽鏡拓本

硬黃輕展認當年偷照長安宮掖剛卯銅符零落盡顧
此一規蟾魄玉璽沈淪金縢謬妄鑑古悲無極興劉觀
讖路堂羞整巾幘知否原碧新粧眉斂乍啟對影窺
蓮額堪笑迴旋隨斗柄映到漸臺宣室壁彩菱生苔花
繡漬位置泉刀側漳河遺瓦勝地猶伴吟席